

Abonnement pour un an

250 piastres

Adresse:

Idjtihad Constantinople

Téléph: St. 865

XIX^{me} ANNÉE

1 Dbré. : 1923 — No. 160

اجتهاد

حياتی ، فلسفی ، اجتماعی فکر غزته سی

آبونمان: سنه لکی [۲۴ نسخه]

داخل ایچون ۲ خارج ایچون

۲ یچق لیرادره

اداره خانه سی

جفال اوغلانده « اجتهاد نهوی »

تلفون: استانبول ۸۶۵

«اون طقوزنجی سنه تاسیسیه»

نومرو ۱۶۰ ، ۱ کانون اول ۱۹۲۳

عدالتسازيگه قارشي مجاهده

ايزميتده وبای عدلی

- ۲ -

اورتميه قونیلان بر دعواني حل وفصل ایچین اڤه موافق طریق، رد ایدیله منر دلیلار کتیر مکدر. بن ده اویله یاپه جنم؛ ایشته دیگر وجوق جائلی بر نمونه: کچن سنه آطه بازاری قضاسی داخلمده فجیع بر جنایت ایقاع ایدیلش، سکودلی ناحیه سی مدیری ایله زاندارما قوماندانی آچقچه قتل اولونمشلردی. جهت عدلیه درحال مسئلهیه وضع ید ایتدی. تحقیقات تمام طوقوز اون آی دوام ایتدی. بیک بلا ایله ختام بولونجه معین قاتل صفتیله - چونکه اصل قاتلر دردست اولونامامشدر - بعضلری حقمده جنایتله لزوم وبعضلری حقمده منع محاکمه قراری ویریلشدی آطه بازار مستنطقنک قرارنامه سنده - که قضا حاکمک تصدیق ومدعی عمومینک اولجه آلمش مطالعه سی وارددر - منع محاکمه لرینه قرار ویریلنلردن ایکی بدبخت. اسملری صراحة مذکور اولدینی حالده، تخلیه ایدیله یه رک دیگر متهملره برابر ایزمیت استیناف توقیفخانه سنه واوراق ده ایزمیت استیناف مدعی عمومیلکنه سوق وارسل اولو نمشدی. استیناف مدعی عمومینک وظیفه سی، عظیم وناقابل تعمیر خطالردن ایچین اوراقی درحال مطالعه ومتهملری حضورینه جلب ایله هویتلرینی تحقیق ایتک وشاید یاکلش بر معامله وار ایه هان دوزلمک

حقیقتی طاب یولنده خطا بیوکده اولسه انسانی عصمت اسلامیه داتره سندن چیقارماز. صوابی قصص ایدرکن خطا ایدرسم، او خطا نه قدر بیوک اولسه ده شارعک مسامحه سیله عفو ایدیلر.

«هدایت: - الله التودر» اعتقادی هم کوزل، هم حق اعتقاددر. انسانک وظیفه سی حقیقتی آرامقدر. «حقیقتی بولوق» انسانک وظیفه سی دکل، غایه سیدر. انسان یالکیز وظیفه سیله مکفدر. غایه مطلوبه سنه ایریشمک اللهک سهولت خلق ایتمه سیله اولور.

ناقلی: قایا نوری

واسبابی ایجاب ایدنلردن صوره تی، اشبو خطالرك قصده مقرون اولوب اولمادیغنه کورده مسیبلری حقمده تعقیبات قانونیه ده بولونمق الزم ایکن... بولره هیچ لزوم کورمه یں مدعی عمومی بک مستنطق قرارنامه سی عیناً قوییه ایدر وبلاسنه اتهامنامه نوصروسی، زیرینه مهر رسمی بی باصار وتصدیقاً للمقال امضای شریفی آثار؛ اتهامنامه لری متهملره ومعصوملره تبلیغ، برای محاکمه ده اوراقی جنایب محکمه سنه تودیع ایدر. مقام ادعای وعدلیه وکالتی تمیل ایدن ذاتک بوجهتلر امورنده می؟ زید ایله عمری کندیسنه صابی ایله ویرمدیلر آ... اما ایزمیت توقیفخانه سی بر مقتل ایمش؛ تیفوس، حمای راجمه وامثالی خسته لقلر موجود ایمش. بومعصوم بدبختلردن بری ویا ایکیسی اتناه اوغرازنولور، چولوق وجوققلری سفیل قایلرلر مش... بولرک طابوتلرینی مدعی عمومی ایله حاکمک طاشیه جق دکلرکه... یتیملرک انقافیه بولر مجبور طوتیله جق دکلرکه... اوزاتمیه لم، جنایت محکمه سی قلمنده آکلاشیلر. رئیسه خبر ویریلر. شیمدی نه یاپلی؟ اورته ده بک فاحش بر خطای عدلی وار. درحال تصحیح می ایدیلر ظننده سکیز. استغفرالله! غیرت اقران وار. تساند مسلدکی وار... دوشونیلر، طانیشیلر ونهایت اوراقک ومعامله نک تصحیح واکملی! ایچین اوراقک مدعی عمومیلکه اعاده سنه قرار ویریلر. بیچاره لر الا آن موقوفدر. بوراسی خاطر دن چیقما سین! استیناف مدعی عمومیه سی اوراقی آلیر. آرتق کونش کبی میدانه چیقان حقیقت اوکنده بیچاره لر ینه تخلیه ایدیلزلر. غیرت اقرانک، نسانه مسلدکینک ایکنجی صفحه سی باشلار. آطه بازار مستنطق ایزمیه جلب ایدیلر. اوراق صورت خصوصیه ده کندیسنه تودیع ومذدورلر حقمده بر اتهام قراری تنظیمی امر ایدیلر. بو صوک صفحه بلکه فنا بر روایتدن عبارتدر. انجق مستنطقک ایزمیه جلب ایدلرکی محقق در مستنطق عودت، حادثه دخی عدلیه وکالت جلیله سنه عکس ایدر. سریماعدلیه مفتشی فخرالدین بک کوندریلر. اخبارک صحتی آکلاشیلر ایکی بدبخت تخلیه ایدیلر. طبیعی مفتش بک نتیجه تحقیقاتی

برنجی مبحث

اقوامك میانمہ فکرم

هر مدنیت ، تشکیلاتیله ، فلسفه سیله ، ادبیاتی
و صناعاتی ایله بر قاچ مدیر فکرم لر دن اشتقاق ایدر . بو
مدیر فکرم لر تمغالری بو مدنیتك بوتون عناصری او-
زه رینه باصار .

★

بر قومك فکرم لرینی دیکشدرمك . سیرتی ، حیاتی
و بناء علیه مجرای تاریخینسی دیکشدرمك دیمك در .

★

هر نه قادر آوروپا حربی یالکیز مادی قوتلری
فعالیت کتیریور کورونیورسده حقیقت حالده ، بوغو-
شان فکرم لر در . بو حربده مطلقیت اداره ، دموقراط
شمار تمایلاته قارشی مبارزه ایدیور .

★

بر قومك طالعی ، زمامدارلرینك ارادت لرندن زیاده ،
بر قوم قلاغوزلق ایدن قناعت Certitude لره باغلی در .

★

یکی (آلمان) ، طوپلریله اولدیغندن زیاده فکرم لر یله
تهلمکلی در «توتون Teuton» لرك [یعنی آلمان لرك]
دومن نفری ، هر قمت فاقیتنه و بو فاقیت نسبتنده
حاکمیتی جهان قبول ایتدیرمك وظیفه سنه قانع قالیر .

★

طول مدت (تورک) لرك ، خرابستیائلر حقنده پرورده
ایتدکمری تلقی نك عینی اولان بو تلقی Conception ،
بر ملت ، شبهه سز ، بیوک بر قوت ویریر . بو تلقی بی،
بو آکلایشی تخریب ایتمک ایچون محتمل ، که یکی براهل
صلیب سفرلری سلسله سی لازم کله چک در .

★

تماماً عقلی فکرم لر کندیلرینه رهبر اتخاذا ایتدکمری
ادعایدن قوملر ، عسکرلک نقطه نظرندن ، معشری تعصب لر
وجوده کتیرمه یه کافی درجه ده قوتلی سیاسی ، دینی
یا خود اجتماعی اعتقادلرله اداره اولونان ملت لرك دائماً
دوئنده بولونورلر .

★

دون و یارین

۱۵۸ نجی نسخه دن مابعد

مؤلفی : کوستاو لوبون مترجی : عبده جودت
جم غفیرلر اوزه رینه کله لرك ، تشبیه لرك حکم و تأثیری
بتون دلائلک تأثیرندن دها زیاده در .

★

معشری حسیات اوزه رینه مؤسس بر اجتهاد ، مصیب
اولا بیلیر ، فقط بو اجتهادك تولدنده ، عمومیتله ، عقلك
بر تأثیری یوق در .

★

(روسیا) ده جمهورلرك فکر idée لره دکل سوز
Verbe . صاریدیلر قلم کمال اصابتله نظر دفته عرض
اولوندی . بر قاچ دقیقه ظرفنده طبان طبانه ضد اجتهادلری
مدافعه ایدن خطیلری کمال شوق و هیجانله آقیشلارلر .
عینی مطالعه بر چوق مملکت لره تطبیق ایدیلر بیلیر .

★

کندیسنه بر ایشک اداره سی نفویض ایدیلک ایسته-
نیان آدام ، بر انجمن Comité طرفندن کندیسنه یاردم
ایتدیر یله سنی تکلیف ایدر سه ، بو ایشی کندیسنه
نفویض دن در حال فراغت ایتلمی در .

★

معشری اولماقله ، باطل Erreur ، حقیقت Vérite
قوتی قازانیر .

حاوی راپورینی وکالت جلیله یه تقدیم ایدر .

عدالتک تجلی ایده چکنه شبهه یوقدره شیمدی عزیز
قارئلر سزلردن صورارم : مماثل وقعه لرك حادث اولدینی
بر قصبه ده وبای عدلی وارمی در ، یوقی در ؟ .. و نائقه
مسند مثالرم تعدا داید جکدر . اومولور که نتیجه خیریه سی
کوریلیر . عدلیه وکیلی سید بک افندی دن ای شیلر بکله یه بیلیر .

فیلیج زاده
مقی